

տալով պետական աջակցութիւն քաղաքային ինքնավարութեան հիմնարկութիւններին և նրանց միութիւններին՝ իրենց քաղաքային և տնտեսական ձեռնարկութիւնների մէջ:

Կառավարութիւնը ամէն կերպ պիտի աջակցի կօօպերատիւներին, ամէն տեսակի միութիւններին՝ այս ձևով խրախուսելով ժողովրդական նախաձեռնութիւնը գիւղատնտեսութեան և տնայնագործական արդիւնարեւրական վարկի շրջանում:

Արդարադատութեան գործը ամուր հիմքի վրա դնելու համար կառավարութիւնը մտցնում է դատարաններում ընտրական սկզբունքը: Կառավարութիւնը պէտք է հանրամատչելի լինի դատական ծախսերի տեսակէտից: Գործավարութիւնը դատարանում պէտք է տարւի պետական լեզուով, դատավարութիւնը՝ մայրենի:

Երկիրը արտաքին թշնամիներից պաշտպանելու համար պիտի յենւի որոշ հասակի պարտադիր զինւորական ծառայութեան վրա: Կազմակերպւում է ժողովրդական միլիցիա մշտական զօրքի փոխարէն: Զօրքը պիտի ազգայնացւի: Միջոցներ պիտի ձեռք առնւեն զօրանոցների բարելաւման և զինւորների կեանքի առողջապահական պայմանների կարգաւորման վերաբերեալ:

Կառավարութիւնը ամէն միջոցներ ձեռք պիտի առնի Հայաստանի սահմաններից դուրս մնացած հայերի վերադարձը իրենց Հայրենիքը փութացնել՝ նախօրօք երկրի ներսում ապահովելով նրանց գոյութիւնը և ստեղծելով յարմարութիւններ նրանց համար:

Առանձնապէս կառավարութիւնը պիտի ջանայ մինչև ձմեռ դադարեցնել նախկին տաճկահայ գաղթականներին իրենց Հայրենիքը, հակառակ դէպքում ամէն կերպ պիտի ապահովէ նրանց:

Վերջապէս, հերթական հարց է դառնում վերականգնումը Հայաստանի աւերակների: Այս գործի մէջ պիտի երևան դայ դաշնակիցների ազդեցութիւնը:

Առաջադրելով ապագայ դործունէութեան այս ծրագիրը, որի հիմունքներն ու կէտերը ես այստեղ ընդգծեցի, նոր կառավարութիւնը յայտարարում է, որ նա յամառօրէն պիտի ձգտի իրականացնել այն՝ հիմնելով օրինականութեան վրա»:

Յաջորդ նիստերում, այս յայտարարութիւնը առնւեց քննութեան և ընդունեց հակառակ սոց. - յեղ. և անկուսակցական գիւղացիական պատգամաւորների քէնների: Ընդդիմադիրների կողմից Ա. Պոնդկարեանը երկար ու մանրակրկիտ վերլուծութեան ենթարկեց կառավարութեան յայտարարութիւնը՝ կանգ առնելով Հայաստանի պետականութեան թերի կողմերի վրա:

Ապա, Պորհրդարանն ու կառավարութիւնն անցան իրենց հերթական աշխատանքներին:

\*

Ազգ. Պատւիրակութեան առաքելութիւնը Երևան հասաւ հոկտեմբերի կէսերին: Նա բաղկացած էր Վ. Թեքէյեանից (նախագահ) և դր. Ն. Տէր Ստեփանեանից ու Սամ. Յարութիւնեանից: Այս վերջինի մասնակցութիւնը Ազգ. Պատւիրակութեան առաքելութեան մէջ՝ գարմանք ու դժգոհութիւն առաջ բերեց Երևանում:

Իսնի որ նոյն օրերին Երևանում գումարւած էր Հ. Յ. Դ. Գրգ ընդհ. ժողովը, Ազգ. Պատւիրակութեան հետ բանակցելու հարցն էլ տրւեց նրա